



NEWSLETTER BR. 19

MAJ 2016

SADRŽAJ

FIPA AKTIVNOSTI ≡

- » Direktor FIPA-e susreo se sa švicarskim investitorima koji posluju u BiH
- » Aftercare posjeta kompaniji Ragni IC Mostar
- » Direktor FIPA-e učestvovao na konferenciji posvećenoj reformama u BiH
- » Direktor FIPA-e učestvovao na konferenciji "Privredne mogućnosti u BiH - predavljanje uspješnog poslovanja"
- » Učešće FIPA predstavnika na događaju AUSTRIA CONNECT Jugoistočna Europa 2016 „Business Subsidies & Financing in SEE“ u Zagrebu
- » Posjete kompanijama u Lukavcu i Gračanici
- » Ulaganje u metalni sektor BiH
- » FIPA – Pripreme za „Gospodarski dan BiH“ u Frankfurtu
- » Potpisan sporazum sa Privrednom komorom za međunarodnu trgovinu Kine
- » Prezentacija FIPA-e na Sarajevo Business Forumu
- » Posjeta kineskih privrednika FIPA-i
- » AIK Hrvatske u posjeti FIPA-i
- » Potpisan Memorandum o suradnji s Agencijom za izvoz Dubajja

POSLOVNE VIJESTI ≡

- » Zabavni park Sunnyland uskoro otvoren
- » Arifagić-Investment širi proizvodnju
- » Meggle otvara novi pogon u BiH

FIPA AKTIVNOSTI ≡



DIREKTOR FIPA-E SUSREO SE SA ŠVICARSKIM
INVESTITORIMA KOJI POSLUJU U BIH



FIPA – PRIPREME ZA „GOSPODARSKI DAN BIH“
U FRANKFURTU



...I JOŠ FIPA AKTIVNOSTI...



DIREKTOR FIPA-E SUSREO SE SA ŠVICARSKIM INVESTITORIMA KOJI POSLUJU U BIH



Povodom 20 godina od uspostavljanja diplomatskih odnosa između Švicarske i BiH, ambasador Švicarske u BiH N.J.E. Heinrich Maurer organizirao je poslovni ručak sa švicarskim investitorima koji posluju u BiH na kojem je učestvovao direktor Agencije za unapređenje stranih investicija u BiH (FIPA) Gordan Milinić, kao i predstavnici Vlade FBiH, ministar energije, rudarstva i industrije, Nermin Džindić i drugi.

Direktor Milinić je sa predstavnicima oko 30 firmi razgovarao o problemima sa kojima se privrednici susreću u svom poslovanju u BiH, kao i pomoći koju im FIPA može pružiti u otklanjanju administrativnih barijera.

FIPA je ovom prilikom prezentirala svoje mogućnosti promocije, Aftercare program kojeg provodi, pozvala privrednike da reinvestiraju i da svoje poslovne partnere informiraju o mogućnostima za ulaganje u BiH.

Švicarske firme traže unapređenje poslovnog ambijenta u BiH, ističući posebice primjedbe na rasprostranjenu birokratiju.

Značajan broj ovih privrednika će uskoro posjetiti FIPA-u radi razgovora o planovima daljeg širenja njihove djelatnosti u BiH.



AFTERCARE POSJETA KOMPANIJI RAGNI IC MOSTAR



U okviru Aftercare aktivnosti, predstavnici Agencije za unapređenje stranih ulaganja BiH (FIPA) 25. maja posjetili su firmu Ragni IC Mostar i održali sastanak sa direktoricom kompanije gđom Mirelom Pehar.

U 2013. godini Francuska firma Ragni je osnovala BH joint-venture kompaniju Ragni IC sa domaćom kompanijom Interkomercom doo Mostar, za područje Istočne Europe i Balkana.

Ragni IC Mostar je specijalizirana za proizvodnju funkcionalnih, ambijentalnih i tradicionalnih svjetiljki javne rasvjete. Kombinirajući dizajn i najnoviju tehnologiju, proizvodni asortiman uključuje efikasne LED sisteme i ekskluzivan izbor proizvoda na solarno napajanje. Ove tehnologije omogućavaju značajne uštede energije i doprinose zaštiti okoliša.



POSJETA FIRMAMA ŽELJEZARA D.D I STANDARD FURNITURE FACTORY D.D ILIJAŠ



Predstavnici Agencije za unapređenje stranih investicija (FIPA), Općine Ilijaš, Ministarstva privrede KS i Međunarodne finansijske korporacije (IFC) posjetili su 23. maja 2016. godine u okviru Aftercare programa kompanije Željezera d.d. i Standard Furniture Factory d.d. na području Općine Ilijaš.

„Željezara“ je u julu 2015. godine postala dio grupacije Prevent kada je i krenulo oživljavanje kompanije. Dosadašnja investicija u fabriku dostiže iznos od 20 miliona eura. Ukupno zapošljavaju 135 radnika i imaju planove daljeg širenja poslovanja i zapošljavanja.

Novi pogon livnice koji je opremljen sa najsavremenijim mašinama, trebao bi uskoro krenuti sa probnom proizvodnjom. Standard Furniture Factory d.d. kao proizvođač namještaja prepoznat je kao kvalitetan brend na našem, ali i europskom tržištu. Svoje proizvode plasira širom Njemačke, Austrije, Belgije, Holandije, Švicarske, Slovenije i Hrvatske. Kompanija zapošljava ukupno 750 radnika (grupacija zapošljava 1000 radnika), a u narednom periodu planiraju zaposliti još 100 radnika. Takođe, u planu je i izgradnja novog poslovnog objekta veličine 10.000 m² (investicija se procjenjuje na 2 miliona KM). Do sada je ukupno investirano oko 18 miliona eura.

Pored kompanije u BiH, posjeduju firme i u Srbiji (Leskovac) i Njemačkoj. Kao prednosti ulaganja u BiH, direktor kompanije g. Damir Muhić je naveo da BiH ima povoljnu i obrazovanu radnu snagu, niske poreske stope, dobar geografski položaj, stabilan kurs i dr. Spomenute kompanije su ključni nosioci privrednog razvoja ovog područja i kreiranja novih radnih mjesta.



DIREKTOR FIPA-E UČESTVOVAO NA KONFERENCIJI POSVEĆENOJ REFORMAMA U BIH



Direktor Agencije za unapređenje stranih investicija BiH (FIPA) Gordan Milinić učestvovao je 20. maja na konferenciji posvećenoj reformama u BiH i viziji razvoja zemlje do 2020 održanoj na Diplomatskoj akademiji Beča. Ova konferencija nastavak je opsežnog projekta "Vizija 2020" s ciljem afirmacije BiH i podrške ekonomsko-socijalnim reformama u organizaciji Američko-bosanske fondacija i Centra za transatlantske odnose SAIS pri Univerzitetu Johns Hopkins u Washingtonu, u suradnji sa IDM institutom i Austrian Marshall fondom iz Beča.

Kao panelista na konferenciji, direktor Milinić je govorio o razlozima za investiranje u BiH, kao i sektorima koji bi mogli privući strana ulaganja, te o konkretnim projektima za ulaganja. Posebno je istakao potencijale u oblasti turizmu, s obzirom na činjenicu da je Svjetska turistička organizacija predviđela rast turizma u BiH za 10 odsto u naredne četiri godine.

Također je naglasio kako će implementacija Reformske agende zemlju učiniti privlačnijom za investicije, a FIPA će nastojati da svaki dan bude sa investitorima, i njima na usluzi radi rješavanja eventualnih administrativnih problema u kontaktu sa vlastima.

Panelisti na konferenciji bili su Hans Winkler, direktor Diplomatske akademije i bivši državni sekretar Austrije, Daniel Hamilton, izvršni direktor Centra za transatlantske odnose SAIS, Edin Karabeg, direktor Sberbank u BiH, Ellen Goldstein, direktorica Svjetske banke za zapadni Balkan, Wolfgang Petritsch, predsjednik fondacije Austrian Marshall Plan, te Valentin Inzko, visoki predstavnik u BiH.




DIREKTOR FIPA-E UČESTVOVAO NA KONFERENCIJI “PRIVREDNE MOGUĆNOSTI U BIH - PREDSTAVLJANJE USPJEŠNOG POSLOVANJA”



Učestvujući na konferenciji “Privredne mogućnosti u BiH - predstavljanje uspješnog poslovanja” koja je održana 21. maja u Beču u organizaciji asocijacije “Akademiker”, direktor Agencije za unapređenje stranih investicija BiH (FIPA) Gordan Milinić i pomoćnica direktora Maida Bećirović predstavili su potencijale za investiranje u Bosnu i Hercegovinu, sa posebnim akcentom na investicijske projekte i lokacije, kao i uspješne priče investitora koji već posluju u BiH. Učesnicima konferencije, među kojima su bili predstavnici Ambasade BiH u Austriji i privrednici porijeklom iz Bosne i Hercegovine i zemalja okruženja, predstavljeni su uslovi poslovanja i projekti za ulaganja.

Poseban interes iskazan je za projekte iz oblasti turizma, flaširanja vode i generalno projekte malih preduzeća.

FIPA je inicirala formiranje investicionog fonda bh. dijaspore. Ovu ideju su kao odličnu prihvatili privrednici, jer su svi saglasni da je vrijeme da dijaspora umjesto što šalje novac kao pomoć u BiH, investira i na taj način da svoj značajan doprinos ekonomskom razvoju i napretku zemlje.



UČEŠĆE FIPA PREDSTAVNIKA NA DOGAĐAJU AUSTRIA CONNECT JUGOISTOČNA EUROPA 2016 „BUSINESS SUBSIDIES & FINANCING IN SEE“ U ZAGREBU



Austrijski ured za vanjsku trgovinu u Zagrebu organizovao je zajedno sa sestrinskim uredima u Bosni i Hercegovini, Sloveniji, Srbiji, Makedoniji, Albaniji, Kosovu i Crnoj Gori konferenciju AUSTRIA CONNECT Jugoistočna Europa 2016 „Business Subsidies & Financing in SEE“.

Događaju je prisustovalo više od 170 učesnika iz više od 130 austrijskih kompanija, potencijalnih investitora u jugoistočnu Evropu, kao i menadžera austrijskih kompanija u regiji. Tom prilikom, 19. maja 2016., zbog velikog interesa austrijskih kompanija organizovana su dva događaja Workshop: Bosnia and Herzegovina.

Zamjenica direktora FIPA-e, Blaženka Mišković obratila se predstavnicima austrijskih kompanija i informisala ih o pozitivnim pomacima i reformama koje BiH sprovodi na svom putu ka Evropskoj Uniji i našim aktivnostima na unapređenju poslovnog ambijenta. Šef odsjeka za promociju u FIPA-i, Nina Pobrić održala je dvije prezentacije o procedurama i legislativi vezanoj za poslovanje u Bosni i Hercegovini, prednostima koje BiH pruža stranim investitorima, primjere dobrih parksi, Reformskoj agendi 2015-2018 i Saradničkoj mreži za post-investicionu podršku investitorima.

Trgovinski savjetnik i Direktor Austria Advantage Sarajevo, Sigmund Nemeti i Key Account Manager, Razija Hamidović upoznali su prisutne o svim vrstama podsticaja koji se nude privrednicima u BiH, kao rezultat njihovog višemjesečnog rada, kao i uslugama Austria Advantage-a.

Nakon održanih prezentacija, prisutnima su pruženi i odgovori na pitanja koja su imali u vezi treninga i prekvalifikacije za radnu snagu u pojedinim oblastima, dobijanju radnih dozvola, aktualnim projektima, podsticajima i dr.



POSJETE KOMPANIJAMA U LUKAVCU I GRAČANICI



Ministar razvoja i poduzetništva u Vladi TK Nermin Hodžić i Dika Mustafić Cokoja, šefica Odsjeka zapodršku investitorima u FIPA Agenciji, posjetili su gračaničke kompanije sa stranim kapitalom Elatec doo i RPC Superfos Balkan.

Cilj ovih posjeta je podrška stranim investitorima kroz Aftercare program saradničke mreže, te promocija stranih ulaganja budući da se radi o jako uspješnim firmama, koje su pokazatelj da BiH pruža mogućnosti za uspješno poslovanje. Ministar Nermin Hodžić istakao je da će Vlada TK u saradnji sa FIPA Agencijom promptno odgovoriti na zahtjeve privrede i kroz vladine institucije i službene kanale pomoći poduzetništvu, u čemu je vidljiv značaj postojanja saradničke mreže. Značajno je istaknuti i da ove posjećene kompanije daju značajan doprinos u transferu najmodernijih tehnologija i znanja.

Isti dan, prije ovih posjeta obavljena je i posjeta firmi Boxmark doo Lukavac, koja zapošljava 250 radnika, planira proširenje u proizvodnim pogonima i broju zaposlenih do kraja ove godine. A za buduća veća ulaganja ove firme (mimo planiranog u ovoj godini), potrebno je otkloniti određene administrativne barijere, u čemu očekuju podršku Vlade TK i FIPA Agencije.

Institucije različitih nivoa vlasti djeluju u okviru tzv Saradničke mreže s ciljem efikasnije asistencije investitorima.



ULAGANJE U METALNI SEKTOR BiH



Početkom 2016. godine FIPA službenici su ostvarili kontakt s potencijalnim investitorima iz Libije i Turske. Interes ovih investitora se odnosio na projekte u metalnom sektoru.

Trenutno su ovi investitori u procesu osnivanja kompanije u BiH. Kompanija će zaposliti lokalne ljude, a u prvoj fazi namjeravaju uložiti cca. 2 miliona eura, a kroz sljedeće dvije faze 8-10 miliona eura.



FIPA - PRIPREME ZA „GOSPODARSKI DAN BIH“ U FRANKFURTU



Direktor Agencije za unapređenje stranih investicija BiH (FIPA) Gordan Milinić razgovarao je sa savjetnikom hrvatskog člana Predsjedništva BiH Tugomirom Čuljkom o učešću Agencije na forumu „Gospodarski dan BiH“ koji će se održati u Frankfurtu na Majni 1. jula 2016. godine, u okviru zvanične posjete Predsjedništva BiH kancelarki Angeli Merkel. FIPA će ovom prilikom njemačkim privrednicima predstaviti mogućnosti za ulaganja u BiH, kao i instrumente podrške za strane investitore.

Ova manifestacija predstavlja izvanrednu priliku za predstavljanje BiH i njenih investicijskih mogućnosti njemačkim privrednicima, privlačenje njemačkih investitora, imajući u vidu značaj organiziranja ovakvih manifestacija radi promocije zemlje.



POTPISAN SPORAZUM SA PRIVREDNOM KOMOROM ZA MEĐUNARODNU TRGOVINU KINE



Direktor Agencije za unapređenje stranih investicija BiH (FIPA) Gordan Milinić i zamjenik direktora Privredne komore za međunarodnu trgovinu Kine Fan Peikang potpisali su Memorandum o suradnji sa ciljem unapređenja priliva stranih ulaganja iz Narode Republike Kine u BiH, a stime i jačanja ekonomske suradnje između dvije zemlje.

Memorandumom se predviđaju zajedničke aktivnosti na promoviranju mogućnosti za ulaganje, razmjene investicijskih projekata i informacija radi povećanja obima kineskih investicija u BiH, imajući u vidu činjenicu da su kineski investitori u posljednjih nekoliko godina pokazali veliki interes za ulaganja u BiH, a o čemu svjedoče između ostalog i brojne posjete kineskih privrednika FIPA-i radi informiranja o raspoloživosti investicijskih projekata i mogućnosti za ulaganje u BiH.

Na osnovu Memoranduma intenzivirat će se suradnje između dvije institucije, što će značajno doprinijeti promoviranju mogućnosti bh. privrede u privrednim krugovima Narodne Republike Kine.

Nakon potpisivanja ovog dokumenta očekuju se konkretniji rezultati suradnje.



PREZENTACIJA FIPA-E NA SARAJEVO BUSINESS FORUMU



U okviru Sarajevo Business Foruma 2016 i panela na temu „Turistički sektor regiona – novi vodeći ekonomski klaster“ šef Odsjeka za promociju FIPA-e Nina Pobrić održala je 5. maja 2016. godine prezentaciju o mogućnostima ulaganja u turistički sektor BiH.

BiH je regionalno poznata po prirodnim ljepotama, zimskim sportovima, arhitekturi, festivalima, a u 2015. godini “Lonely planet” rangirao je BiH na peto mjesto zemalja koje treba posjetiti.

Prema podacima Svjetske turističke organizacije, Bosna i Hercegovina je definirana kao jedna od samo tri turističke destinacija u svijetu s ukupnim potencijalom rasta turističkog tržišta po stopi većoj od 10% godišnje do 2020. Prema izvještaju Svjetskog ekonomskog foruma o konkurentnosti u turizmu za 2013. godinu, Bosna i Hercegovina zauzima 8. mjesto od 140 zemalja po odnosu stanovništva prema stranim turistima, a po prirodnim ljepotama Bosna i Hercegovina zauzima 20. mjesto.

Uz prirodne ljepote, povoljnu geografsku lokaciju, gastronomiju, gostoljube ljude, sektor turizma ima ogromni potencijal za razvoj i bilježi pozitivne trendove u proteklim godinama.

Turistički sektor nudi mnoge mogućnosti za profitabilne investicije u različitim sektorima turizma. U BiH postoje veoma dobri uslovi za zimski i planinski, spa i ljekoviti, vjerski, konferencijski, morski i avanturistički turizam.



POSJETA KINESKIH PRIVREDNIKA FIPA-I



Privrednici iz Narodne Republike Kine, na čelu sa zamjenikom direktora Privredne komore za međunarodnu trgovinu Kine Fan Peikangom posjetili su Agenciju za unapređenje stranih ulaganja u BiH (FIPA) kako bi razgovarali sa direktorom Gordanom Milinićem o mogućnostima privredne suradnje između dvije zemlje i investiranja u BiH.

U delegaciji privrednika bili su predstavnici velikih kineskih kompanija poput : CGGC International, MCC Group, PowerChina International Group, DECL, ZYNP Group, itd, koji su učestvovali na Sarajevo Business Forumu i koji su već uspostavili kontakte sa više bh. firmi sa kojima će započeti poslovnu suradnju.

Na sastanku je potpisan Memorandum o suradnji između Privredne komore za međunarodnu trgovinu Kine i FIPA-e sa ciljem promoviranja ekonomske suradnje dvije zemlje i potencijala za ulaganje u BiH. Direktor Milinić se zahvalio kineskim privrednicima na posjeti i istakao da očekuje konkretnije rezultate suradnje nakon potpisivanja dokumenta.

G. Peikang je istakao da će članove Komore, koja broji 55.000 privrednika, informirati o trenutno raspoloživim projektima u BiH, a da će ih za detaljnije informacije i bliže kontakte uputiti na FIPA-u.



AIK HRVATSKE U POSJETI FIPA-I



Direktor Agencije za investicije i konkurentnost Hrvatske Damir Novinić posjetio je Agenciju za unapređenje stranih investicija u BiH (FIPA) i razgovarao o mogućnostima suradnje na promoviranju regije kao cjeline u međunarodnim investicijskim i privrednim krugovima, kao i mogućnostima povezivanja klastera radi zajedničkog nastupa na trećim tržištima.

G. Novinić je informirao svoje bh. kolege o radu na privlačenju stranih investicija u RH i o reformama koje su implementirane u Hrvatskoj u posljednjih nekoliko godina sa ciljem poboljšanja konkurentnosti i poslovnog ambijenta u zemlji.

U razmjeni iskustava o radu agencija posebno je istaknuta potreba jače finansijske podrške promociji investicionih mogućnosti, te snažnijeg angažmana ekonomske diplomatije na pronalasku i dovođenju stranih investitora.



POTPISAN MEMORANDUM O SURADNJI S AGENCIJOM ZA IZVOZ DUBAIJA



Čelnici Agencije za unapređenje stranih investicija BiH (FIPA), BBI banke i Agencije za izvoz Dubajja (Dubai Exports) potpisali su 5. maja u Sarajevu Memorandum o suradnji sa ciljem da se unaprijedi ekonomska suradnja, izvoz i investicije između Dubajja i BiH. Memorandumom se predviđaju i zajedničke i individualne aktivnosti na promoviranju suradnje kroz organiziranje zajedničkih manifestacija, koordiniranju organizacije zajedničkih susreta i skupova koji će omogućiti uspostavljanje kontakata između investitora i vlasnika investicijskih projekata, kao i privrednika, a sve sa ciljem da se konkretizira zajednički rad na osnovu potpisanog dokumenta i ostvare poslovni rezultati kojima će sve strane biti zadovoljne.

Potpisnici Memoranduma će ulagati zajedničke napore sa ciljem pronalaska investitora iz Dubajja koji su zainteresirani za trgovinu i investiranje u BiH, i obrnuto.

Organizirat će posjete privrednih delegacija iz BiH u Dubai i obrnuto radi povezivanja privrednika u skladu sa raspoloživim finansijskim sredstvima.

Koristit će mreže kontakata radi povećanja trgovine i investicija, razmjenjivati informacije u svrhu promoviranja privrednih mogućnosti, kao i projekte za koje su zainteresirani investitori.

Potpisivanje Memoranduma i njegova implementacija će doprinijeti poboljšanju imidža Bosne i Hercegovine i promociji zemlje u ovom dijelu svijeta, s obzirom da značajnije aktivnosti u svrhu promocije nisu uopće poduzimane, usljed nedostatka finansijskih sredstava.

FIPA POSLOVNE VIJESTI ≡

≡ ARIFAGIĆ-INVESTMENT ŠIRI PROIZVODNJU



FIPA – PRIPREME ZA „GOSPODARSKI DAN BIH“
U FRANKFURTU ≡



...I JOŠ VIJESTI...



ZABAVNI PARK SUNNYLAND USKORO OTVOREN



Prvi zabavni centar u Bosni i Hercegovini, Sunnyland, uskoro otvara svoja vrata na Trebeviću. Park se nalazi deset minuta od centra Sarajeva i prostirat će se na 16.000 metara kvadratnih. U ponudi će imati mnogobrojne ugostiteljske sadržaje kao i sadržaje za djecu sa igraonicom i vanjskim igralištem. Sunnyland je izgrađen po uzoru na zabavni park u Austriji.



ARIFAGIĆ-INVESTMENT ŠIRI PROIZVODNJU



Nakon nekoliko mjeseci intenzivnih pregovora, Arifagić Investment je potpisao ugovor o kupovini bivšeg drvoprerađivačkog preduzeća Fana Zas iz Bosanskog Petrovca.

Ovim ugovorom je firma poznatog kozaračkog poduzetnika Jusufa Arifagića postala vlasnica hala i zemljišta u Krnjeuši pored Bosanskog Petrovca gdje se planira otvaranje pogona za proizvodnju koncentrovane stočne hrane, kao i farme za uzgoj prvoklasnih bikova i rasplodnih junica za potrebe domaćeg tržišta, ali i zemalja regije.

U projekte firme Arifagić Investment u BiH do sada je uloženo blizu 15 miliona KM, a njen rad prate i podržavaju institucije Kraljevine Norveške, kao i naučnici iz stočarske grupacije GENO Global.



MEGGLE OTVARA NOVI POGON U BIH



Kompanija Meggle će 27. maja svečano otvoriti novi proizvodni pogon u bihaćkoj mljekari za proizvodnju nove Tetra Pak EDGE linije.

Samo u ovoj godini investirano je oko 16 miliona KM u razvoj poslovanja, ali i ekonomiju BiH.

Meggle u Bosni i Hercegovini danas okuplja oko 2.500 farmera koji proizvode domaću sirovinu, te više od 200 zaposlenih čiji je cilj na tržište plasirati najbolje od domaćeg mlijeka.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA